



全唐詩目 第五函

第四冊

暢當

暢諸 共二卷

陸贄

張濛

常沂

周存

黎逢

張昔

丁位

元友直

楊系

崔績

張季畧

裴達

裴達

沈迴 共一卷

楊憑 一卷

楊凝 一卷

楊凌 一卷

十一子
之一
司空曙 二卷

崔峒 一卷

苗發

吉中孚

夏侯審

王烈

衛象

崔季卿

何兆

奚賈

共一卷

張南史 一卷

全唐詩

暢當

暢當河東人初以子弟被召從軍後登大歷七年進士
第貞元初爲太常博士終果州刺史與弟諸皆有詩名
詩一卷

南充謝郡客遊澧州留贈字文中丞

一作王昌
翰詩誤

僕本濩落人辱當州郡使量力頗及早謝歸今卽已蕭
蕭若凌虛襟帶頓銷靡車服率然來涪陽作遊子鬱鬱
寡開顏默默獨行李忽逢平生友一笑方在此秋情寧
風日楚思浩雲水爲語弋林者冥冥鴻遠矣

宿報恩寺精舍

鐘梵送沈景星多露漸光風中蘭靡靡月下樹蒼蒼夜
殿若山橫深松如澗涼羸然虎溪子遲我一虛牀杳杳
空寂舍濛濛蓮柱香擁榻依西壁紗燈靄中央

自平陽

一作
平陽

館赴郡

晨興平陽作平陽館見月沈江水溶溶山霧披肅肅沙鷺起
奉恩謬符竹伏軾省頑鄙何當施教化愧迎小郡吏寥
落火耕俗征途青冥裏德綏及吾民不德將鹿矣

一作刑
旄無乃

耳擒姦非性能多愍會衰齒恭承共理詔恒懼墜諸地

天柱隱所重荅江州應物

下四字一
作章江州

寂寞一悵望秋風山景清此中惟草色翻意見人行荒
徑饒松子深蘿絕鳥聲陽崖全帶日寬嶂偶通耕拙昧

難容一作貧寒

開

別有情煩君瓊玖贈幽懶百無成

山居酬韋蘇州見寄

孤柴

一作茅

煙處此中山叟居觀雲寧有事耽酒詎知餘

水定鶴翻去松歌峰儼如猶煩使君問更欲結深

一作環廬

春日過奉誠園

一作曲江一作玉林園

帝里陽和日

一作早

遊人到御園暖催新景氣春認舊蘭蓀

詠德先臣沒成蹊大樹存見桐猶近井看柳尚依門獻

地非更宅遺忠永奉恩又期攀桂後來賞百花繁

軍中醉飲寄沈八劉叟

一作杜尚詩

酒渴愛江清餘酣漱晚汀軟莎欹坐穩冷石醉眠醒野

膳隨行帳華音發從伶數杯君不見都已遣沈冥

偶宴西蜀摩訶池

珍木鬱清池風荷

一作和風

左右披淺觴寧及醉慢艸不知移

蔭簞流光冷凝簪照影欹

一作蔭竹簞光冷照流簪影欹

胡為獨羈者雪涕

向漣漪

奉送杜中丞赴洪州

詔出鳳凰宮新恩連帥雄江湖經戰陣草木待仁風豪

右貪

一作弱

威愛紆懿德簡通多慙君子顧攀餞路塵中

九日陪皇甫使君泛江宴赤岸亭

羈旅逢佳節逍遙

一作邊

忽見招同傾菊酒緩擢木蘭橈

平楚堪愁思長江去

一作亦

寂寥猿啼不離峽灘沸鎮如潮

舉目關山異傷心鄉國遙徒言歡滿座誰覺客魂消

蒲中道中二首

蒼蒼中條山厥形極奇醜我欲涉其崖濯足黃河水
古剎棲柿林綠陰覆蒼瓦歲晏來品題拾葉總堪寫

○登鶴雀樓

迴臨飛鳥上高出世塵間天勢圍平野河流入斷山

宿潭上二首

夜潭有仙舸與月當水中嘉賓愛明月遊子驚秋風
青蒲野陂水白露明月天中夜秋風起心事坐潛然

別盧綸

故交君獨在又欲與君離我有新秋淚非關宋玉

一作悲
繫

題沈八齋

汀齋一入何亭亭因寄淪漣心杳冥綠綺琴彈白雪引
烏絲絹勒黃庭經

暢諸

早春

獻歲春猶淺園林未盡開雪和新雨落風帶舊寒來聽
鳥聞歸鴈看花識早梅生涯知幾日更被一年催

全唐詩

陸贄

陸贄字敬輿嘉興人登進士第中博學宏詞調鄭尉罷歸復以書判拔萃補渭南尉德宗立由監察御史召爲翰林學士貞元八年拜中書侍郎同平章事裴延齡構之貶忠州別駕順宗立召還詔未至卒贈兵部尙書諡曰宣集二十七卷今存三首

曉過南宮聞太常清樂

南宮聞古樂拂曙聽初驚煙靄遙迷處絲桐暗辨名節隨新律改聲帶緒風輕合雅將移俗同和自感情遠音兼曉漏餘響過春城九奏明初日寥寥天地清

禁中春松

陰陰清禁裏蒼翠滿春松雨露恩偏近陽和色更一作濃

高枝分曉日

一作月

虛吹

一作靈韻

雜宵鐘香助鑪煙遠形疑蓋影

重願符千載

一作歲

壽不羨五株封儻

一作長

得迴天眷全勝

老碧峰

賦得御園芳草

陰陰御園裏瑤草日光長
羸靡含煙霧依稀帶夕陽
雨餘萸更密風暖蕙初杳
擁仗緣馳道乘輿入建章
溼煙搖不散細影亂無行
恒恐韶光晚何人辨早芳

句

遶堦流瀾瀾來砌樹陰陰

任江淮尉題
廳見語林

張濛

張濛與陸贄同時詩一首

曉過南宮聞太常清樂

玉珂經禮寺金奏過南宮
雅調乘清曉飛聲向遠空
慢隨飄去雪輕逐度來風
迴出重城裏傍聞九陌中
應將肆夏比更與五英同一聽
南薰曲因知大舜功

常沂

常沂與陸贄同時詩一首

禁中春松

映殿松偏好森森列禁中
撥柯霑聖澤疎蓋引皇風
晚色連秦苑春香滿漢宮
操將金一作石固材與直臣同翠

影宜青瑱蒼枝秀碧空還知沐天眷千載更蔥蘢

周存

周存與陸贄同時詩二首

禁中春松

幾歲含貞節青青紫禁中日華留偃蓋雉尾轉春風不
爲繁霜改那將衆木同千條攢翠色百尺澹晴空影密
金莖近花明鳳沼通安知幽澗側獨與散樗叢

西戎獻馬

天馬從東道皇威被遠戎來參八駿列不假貳師功影
別流沙路嘶流土苑風望雲時蹠足向月每爭雄稟異
才難狀標奇志豈同驅馳如見許千里一朝通

黎逢

黎逢登大曆十二年進士第詩二首

小苑春望宮池柳色

上林新柳變小苑暮天晴始望和煙密遙憐拂水輕色
承陽氣暖陰帶御溝清不厭隨風弱仍宜向日明垂絲
遍閣榭飛絮觸簾旌漸到依依處思聞出谷鸞

夏首猶清和

一作張
聿詩

早夏宜初景和光起禁城祝融將御節炎帝啟朱明日
送殘花晚一作日映
林花麗風過一作
高麗御苑清郊原浮麥氣池沼發荷
英樹影臨山動一作
爽禽飛入漢輕幸逢堯禹化全勝谷中

情

張昔

張昔大曆進士第詩一首

小苑春望宮池柳色

小苑春初至皇衢日更清
遙分萬條柳迴出九重城
隱映龍池潤參差鳳闕明
影宜宮雪曙色帶禁煙晴
深淺殘陽變高低曉吹輕
年光正堪折欲寄一枝榮

丁位

丁位大曆進士第詩一首

小苑春望宮池柳色

小苑宜春望宮池柳色輕
低昂含曉景縈轉帶新晴
似蓋芳初合如絲蔭漸成
依依連水暗嫋嫋出墻明
雖以

陽和發能令旅思生他時花滿路從此接遷鶯

元友直

元友直結之子大曆進士詩一首

小苑春望宮池柳色

柳色新池遍春光御苑晴葉依青閣密條向碧流傾路
暗陰初重波搖影轉清風從垂處度煙就望中生斷讀
游蜂聚飄飄戲蝶輕怡然變芳節願及一枝榮

楊系

楊系大曆進士第詩一首

小苑春望宮池柳色

勝游從小苑宮柳望春晴拂地青絲嫩縈風綠帶輕光

含煙色遠影透水文清玉笛吟何得金閨畫豈成皇風
吹欲斷聖日映逾明願駐高枝上還同出谷鶯

崔績

崔績大曆進士第詩一首

小苑春望宮池柳色

帝京春氣早御柳已先榮嫩葉隨風散浮光向日明
條揚生別意斷續引芳聲積翠連馳道飄花出禁城柔條
依水弱遠色帶煙輕南望龍池畔斜光照晚晴

張季畧

張季畧大曆進士第詩一首

小苑春望宮池柳色